

تايه ف عالم من نقط

إهداء

يا حسك المليان دخان

لسه زفيرك

آه على العمر اللي فات

ولسه واقعة نخلتك

ف الجنة تذكر ربنا

الى اديبه شال سيناد
ماتم لميد ليراري
انحنى انه توفع في استخراجه ليراس
مر هوراد سيناد
ما ١٢/١٢/١٣٨٥
٢٨

تايه ف عالم من نقط

تايه ف عالم من نقط

شعر

حازم المرسى



رئيس مجلس الإدارة
د. أحمد نوار
رئيس الإقليم
سامية فياض
مدير الفرع
محمد الشرييني

• تأليف ف عالم من نقط
• حازم المرسى
• الطبعة الأولى،
الهيئة العامة لقصور الثقافة
إقليم القناة وسيناء
2007 م
• تصميم الغلاف، د. خالد سرور
• رقم الإيداع، ٢٠٠٧/١٤١٥٥
• الترخيم الدولي، 4-377-437-977
• المراسلات،
إقليم القناة وسيناء
٦ ش عدلى والجيش بالإسماعيلية
بريد، ٤١٥١١ ت.ف. ٢٩٢٢٦١٢/٠٦٤
• الطباعة والتنضيد،
شركة الأمل للطباعة والنشر
ت. 3904096

مدير التحرير
محمد الدسوقي
المتابعة الإدارية
هنية باشا محمد

الآراء الواردة في هذا الكتاب لا تعبر بالضرورة عن توجه الهيئة
بل تعبر عن رأى وتوجه المؤلف في المقام الأول.

ما قبل القراءة تأيه ف عالم من نقط

... يرى (نوفاليس) «بأن كل عمل شعري يجب أن يلمح فيه شيء من الفوضى داخل نسيج النظام القائم على القاعدة» والمعنى أن للصنعة أهميتها، ولكن ذلك لا يجب أن يشعرا بها ونحن نقرأ، وهو ما وجدته في الديوان الأول للشاعر الجديد (حازم المرسى) فرغم وجود الصنعة ومحاولته الجادة لاجتراح منهج فني للديوان، إلا أن الصنعة لم تكن بأي حال من الأحوال تصنعاً، ويبدو أن اسم الديوان يحتوى على هذين الملمحين، العنوان هو - تأيه ف عالم من نقط - فهو يبدو تأئها في عالم شعري مبرمج ويحتوى نقاطاً رئيسية . وعلامات لعلها ذلك الإحساس بأن هذا الشاعر لم يخترع قصائده، فقصيدته موجودة في مكان ما هناك والشاعر لم يفعل شيئاً سوى أنه كشف عنها .

محمد أحمد الدسوقي

تايه ف عالم من نقط

قلبي اتهمد ..
كام مطرقة بتدق فيه
أنا مش هعيش لك للأبد
ادفن شهيد ..
جواك ما متش
جفف دموع العين...
دا لسه متولدش

صوت الخطاوى المنهكة

عامل تمام

زى الموسيقى التصويرية

واقع حزين...

صبرك دفين...

هوا أنت فين؟؟؟

عديت عشائك كم سما

م تقيلا
هوا انتوا إيه؟؟
انتو قروء!!
الجن نام....
بتزنوا ليه ف الجمجمة
م تقيلا

حسرك سراب
حب الشتا جواك سراب
سراداب معشش ع الجسد
كالعنكبوت...
خفاش ضلام
منتش هتطلع من سنين الشوك ولا
بالطار....
ولا بالنقرظان...
.....

يا معجزة !!

عمال تفرج إحساساتك ع الوجود!

عمال تفرق فى الحنان!

اولد عيالك ع الورق

يا مانفسى اشوفك

من زمان

ن نون

أنت الوحيدة
شاغله القلوب
وبيكتبوا عنك قصص
قالت لى عنك جدتى
أنت اللى من دون الشجر

المحطات

ومشى
وضله ورآه مشى...
مليون خيال ...
.....
ومحطة باينه من بعيد
صايبها الخرس
القطر فاق
شد الرجال
وهى !!!
لسه ف الضلام مستنظرة
يمكن يعود...
يرمى الشنط ويضمها
.....
القطر يشبه له
وحيد

ف عنيه دموع متحجرة...

عمال يقرقض ف الحديد

وهو !!!

بيقرقض ضوافره م القلق

وسيجارته من يأسه

ف إديه اتحطمت

لكنه عنه يختلف

قادر يطلع صرخته.

.....

فاضل ثواني ويترمي

لرصيف مغفل يقلقه ...

زنزانة تانيه من ألم ينزل وقضبانه ف إديه

والقطر....

بيهز الوجود

يصرخ برىء

لكنه عنه يختلف

قادر يطلع صرخته

احتكار

مغرم
بزرع السنبلة
فوق الحيطان
مرغم...
بتسديد الخانات
مرغم بترديد الأغاني
ف الحانات
مرغم على برى الوتر
ينزف وريد
يملى هدم السكرانين

لسه عنيك متشرده
تشحت عنين تضحك لها
يتهن قلبك م الألم
ينحت طرابزين الضلوع

يرفس برجله جنته
ينزل على الأرض الشراقي
م السما

محكوم عليه
بيدر سنابل
فوق دماغ السكرانين
ويضم ضحكة بتخنقه
يدرس بقايات الأمل

لازم يقابل دنيته
ب حفان تراب

الشواهد

١/ شاهد عيان

ماشى ف آخر ليل مدينتك

والنهار

شال من عليه لون الغطا

نايم على سرير السما

بيصحى شمس مكسله

يرجع ينام

.....

صوت خطوتك

دخان سيجارة عسكرى

هدو السهر

على كرسى حاضن

بندقية من سلام

.....

نامت شبابيك البيوت

وكشافات نور الشوارع
غفلت
والمومسات
راجعين بيوتهم مكسورين
حاطين وشوشهم ف التراب
الحزن فار
على أول الشارع
نهار
٢/ شاهد قبور
خيط الغروب
لما يعشش ع السما
خبطة قادم القطر
على راس القضيب
الخطوة تايهة ف الجنابة
مش عارفة فيها حد غير
دمع الحزين
صوت الغناوى ف الشوارع
ببرجع القلب لورا
على ذكريات كأت ميتة

واللحن دايما منكسر
حتى الأدين البردانيين
أوتار الاتهم تحتضر
آخر معالم وشهم
دابت مع حبر النوت

جمهورهم الباقي
كراسي من تراب
موميا بشر
لازق إديه فوق جبهته
قاعد بعيد

النزيف

لسه الطريق ..

والحزن بين ضلعين بيتخانقو

معرفش مين هيفوز وأنا ..

محتار مبين طول الطريق

والحزن....

* * *

معرفش مالها خطوتك

دايحه؟؟

مبقتش قادره تعدى فوق الشوك

معرفش هل زاد الألم فيها؟؟

والا خلاص ملت.

* * *

لسه صوابك

ف الضلوع متر شقه

لسه ابتسامتك ف الفضا بترن

لساكي شابكه ف الجسد

لكن يدوبك عنكبوت

عشش على معبد

دايسه السنين على قلبك اتفرقت

مبعدهش لكن مات

ف سكات عنيك

الدمع كان باين

وف ضحكهم طلوا من الشباك

* * *

الصورة كات ع الحيط

ملانة تراب

معرفش كات صورتك

أم صورة العذرا

أم

خاطيه مصلوبه على الجدران

بدايات الضحك والدموع

ساعة ما يهزمنى الألم

يرفع رايات الانتصار

فوق جبهتي

أضحك

بحس يهز عمداً السما

وأمشي ف شوارع سهرانيين

اطفي النجوم

وأهتف لأحزاب المعارضه

.....

.....

شياطيني تفرح

يسكروا...

ويكسروا كل الكاسات

ويطفوا أنوار المدن

.....

.....

أهتف

يفوق

أرفع هلاك ف السما

الخماسين

أمواج ألم
طرحت على شطك زبد
طرحت هياكل ميتة
طرحت حدود
بتفتتك.....
خماسين ضلوعك عفرت
خمسين خريف
حالف لتدفن ف الرمال الراس
وتعري ضهرك
المناجم من جليد
كثرت مطبات الطريق
.....

ممنوع تَخْطِي الأمنيات
ممنوع تَخْطِي ع الحلال
وتسيب نيران الوحدة
للصور اللي ف القاعة القديمة
اتسمروا....
هدى الآمال
هد الحروف
فيه مزلقان!!!

بدايات أمل... نهايات

اتعلمت

تبكى على قلبى شباييكى

المطر ...

علمها تنزف دمع

لكن ستايرى اتعلمت

تمسح دموع ...

زادت شقوق جدرانك المائلة

بانت معالم ...

موت

.....

معرفش لما تنتهى القصة

صحيح هتموت؟؟

والا هتدفن جسمك الدايب

ف هيك كذب؟؟

وتهز أطلال الحكاية

ضحكة مهزومة
تفرس صوابك بين صواب
داية فيك
تدخل بلاد ثانية
باسم جديد.

صوتها ف ودانك
لمسة إديها ف العروق تذكّار
إحساسها بيك... ييقربك ليها
يرسم سحابة حب.
.....

مكتوب على قلوبنا
تسافر ويا بعض
عارفين نهايتنا
خايفين نقول....
لـ نموت..
خايفين مساحات الأسى
جوا ضلوعنا تزيد
تضحك وشونا لبعض
وقلوبنا تتقطع

لسه الملاك حالف
ميعودش للجنة
ونوره يتقلب
جوا العروق ويفور
حلفت لـ تفضل ليك
تعمل ترايك .. نور

من بين حروف اسمك
اخترت حرف وحيد
شجرة، شروق، وشهاب
وسط السما يضوى
وشقوق ف قلبي تزيد
وشرنقة حبك
ع القلب ملفوفة
يا شمسك اللولى
ليه عايزه تتسحبى
وتقولى لى غ ر و ب

ق قف

نايم على الشط وحدك
ساكن ف أحضان العرق والملح
رسمت على صدرك خريطة خدها
وملحوساه بـ دموع وروچ
داقت ودقت
ضاقت عروكك عليها

البدائيات

وبقايا الشمع
بتستغرب
بتبرق للنور الداخل مكسوف
م الشيش
مستنيها
تخرج من وسط طوابعك
دمعة
أو توتة
وتنام على صدرك
تحكيك حدوته
تتحول كل حطان الأوضة
زهور
وكلامها يطير ..
فراشات
تسكن جواك

تزرع ف عروكك شهد

وبنات

تنزف أحاسيس

بتنام على صدرك

يتسرب عطر دفاها

وتشوف من وسط مسام جلدها

خفاياها....

رعدة شفائها....

صوابها

جنيات سكناك

شعرها ...

لملايكه يترقص فوقه

ومراكب نور بتعدى عليه

والأرض تدور على كف البنت

وتتحول

دخان

يتجمع ويروح

مع آخر طلعة روح

للشمع

الشبابيك

يا حلم ...
من غير لخبطة
شارع وحيد
وسمك ملون
وغزاله
ف العشب / الندى سارحه
بتلاعب الفراشات

لوحة صوابك
بين إديها ..
وهي لسه مركزه
على شاشة الأحلام
بتكتب اسمها
وتدوس على الإبهام
برنت (print)
.....

مدى الإدين
وسبيني أغرق
من زمان
مشتاق لنيران الغرق
سيلي على الجانبين
شموع
بى ابتدى
وأنا هبتدى
أغزل على ورقك حمم.

شفافيفها ...
قالت شىء وأنا
آلت شفافيفى للسكون
بحرين مهاجرين التقوا
دابوا سوا ف شوق العناق
اتلخبطوا على بعضهم
والموج سكن

شمسين ف عز الليل
بيملوا الكون دفا

وأنا أسير الذهول
أنا ف المسافة اللي بينهم
بتلمع ف عيني الكنوز
أزرار فستانها
متقطعوش
فكتهم أيد من زهد
وكأن ورا الأزرار
الوطن الأول ليى
زرعت
علقت حروف البدء
حسين بحنين
صدق
إن أنا
مخلوق
من طين.....

الشهادة

كمل ديوانك
روح لها
وأن غبت عنها
ف الليالى
أن زادوا عشرة
روح لها
تلاقيها
ويا حد غيرك مبتسم
بيقول قصايد شعر
متسبش لحيه أخوك
عشان
هو اللي سابها
بدون آيات الموعظة
وغرق مع أحلام نسيها وعرفته

من بعد غيبة كام سنه

أنت اللي غبت كثير
لازم تمارس حقها
وتدوس تعاليم القدر
وتبوس حقيقة عمرها
مش طيف يزورها ف غربتك

عدت معاك البحر
بس الحب
مع فرعون غرق
جاعت لقا
عطشت حنين
وانت عيونك غفلت
ادعى عليها
متشفش جنة رحمتك
تفضل مع أحلام وعودك
وأنت تنكر ف الوعود
وتنزل الآية الجديدة
م السما

برواز ومرايه وسيف

إزاي بننام واقفين

هل؟؟

الجسم المتعب هريان

من عالم قسوه

لـ عالم من أحلام

والا؟؟

النوم المارد

لابس توب المحتل؟؟

.....

الكون الواسع مش على قدك

الشمس

الضاحكة عليك بالبدر

اللى بتسهر له الليل

لسعاك

ومسوده وشك

.....

الكل يضحك على منظرِكَ الـ

الوحده خلاص

عملت منك تمثال

مع أنك

صارف نص القبض

على المرايات

.....

آخر كلمة انقالت عنك

مش فاكر إيه

اللى أنا فاكره

كنت هموت م الضحك

دقات حنين

اكتب آلائك
الكون مرايتك مكشّر
وبيدخن
سحاب
لبست عليك السما
توبها الحزين
والقوس
سبع تلوان / عنيتها

البحر بيخبي الزبد
خايف مشاعرك تنجرح
مرسى قديم قتله الصدى
نورس وحيد
دايب حنين
اكتب
وأول سطر يتغنى مطر

بيعلم الرمل الدموع
يفرض تعاليم الحداد

اكتب آلائك
علم الشمس الحنين متغيش
متسبش قلبك للأسى
يفرض
على الكون
الشجن

فاصل

ولسه

عمال النضافه

ف الطريق

مستنظرين

نرمى صوابنا اللى حضنوا بعضهم

نرمى شفايفنا اللى دابو م اللقا

نرمى عيوننا

عشان صورنا ف يوم بهم

اتلوننت

مانشوفش حد

غير مارد البعد اللى لابس

توب ضلام

مانشوفش دقات الحنين

جوا القلوب

نرمى مفاتيح القلوب

والباقي

عمال النضافه ف الطريق

مستتظراه

الخواتيم

من أنة الجلد ف إديك
من شكة المخراز
من فوة الخيط المألن بالشمع
سبت الجميع مستنظرك
ومشيت

من غربتك
ف بلاد كتير
وكل من سلم عليك
سايب حدود كفه ف إديك
وكل من شفته
ملامحه ف العيون
تطوى البلاد
وكل حته تصبغك لونها
وتقيدك الأنوار

وف الآخر تسيب
وتحط على ضهرك
حمول

من وحدتك
ف سرير وقضبانه خشب
من حزن مواويلك
على العمر اللي فات
اتشقت
جدران بنيتها بالعرق
واتكسرت كل اللنض

.....
شفتك ف ركن الجامع اللي بعيد
هناك

قاعد بتختم ف الصلا
وتحضر الحضرة
يمشوا وتفضل
والوجود حواليك يدور
تسجد

وهما يسبحوا

تنشيد وهما يسجدوا

تدعى....

يردوا عليك

أمين

ط
طاه

حوالك عيون مترقبه
تكسر صناديق الوجود
تفتح ترايس المحال
وتفض أختام القماقم
تبني مدينتك بالجماجم
وتخلي نيرانك شعار

معالم يوم من الخنقه

كل الصور متكررة
والضلمة والدخان..
اللحظة صادقة؟؟
والإحساسنا صور
بيحركوها بـ الضلام!
صوت الرصاص!
والنار حقيقى ف الشفايف والإدين؟؟
متفكريش
ساعة ويخلص فيلمنا..
والنور بيان..
نامى على صدرى بقا..
ودورى
على قلب صالح للسكن
نامى بقى
واتغطى ..

يمكن في الدموع

.....

.....

تلقى الدفا

وعملتك تمثال

من غير ملامح أو عنين

غرقان.. أنا..

وصوابعي ف الصلصال

.....

ضميه عليكى اتغطى بيه..

أنا مش بدفى الدنيا برد.

النار ف قلبى وكفى تلج

ولا صدرى.. قادر

يحمى قلبك م المطر..

طول الطريق

عمال

بفسر خوف عنيكى م الطريق
وعنيكى فى الدخان
مستغربه رعشة صوابعى والقلق
القطر ماشى خلاص وداع
ساعة ويخلص فيلمنا..
أمطار عنيكى غرقت ورد الخدود
وأنا من بعيد..
.....
واقف إدى مربعه
بضحك فى وش عيال صغار.
ويشحتوا.....

محروم

آدم على سفح الجبل

عريان

قاعد بيكتب قصته

مستنى حوا تشق

صمت الصحرا

يكتب آخر الأبيات

وينزل الستارات

.....

مهر الهوا العصيان

يخرج من الجنة

ويسيب نعيم الخلد للملايكه

هو عشق

وهما فضلوا ف النعيم

هما أطلالوا له السجود

هو نسي

وشارك الشياطين

جحيم الأرض

هو سهر

قلبه يدق بـ حبها

وهم سهروا يسبحوا

وهي؟؟

عين ف الجنة

عين بتتمناه يحقق حلمها

تنزل تسلم له مفاتيح اللقا

.....

عجّزت بدرى آدم المسكين

وعدى العمر بيك

والله معنتش تملئ عينها

وعمرها....

م تضحي لـجلك بالنعيم

اطوى الاراضى

دور الليل والنهار

هتفضل هي فوق

ف الخلد بتسبح

مستظراك
تاخذ كتابك باليمين
وتعدى من فوق الصراط
تكتب حروفها ف آخر القصه
تكتب على اسمك حروف
م ح ر و م !

معالم ليل

كلاب الليل ..
تقاسم أى حد معدى ف اللقمة
وتشرب من قزايز بيره مرمية
وتطلع جرى ..
ورا عيل على العجلة
وشايل فوق دماغه الدايبية طاولة عيش
متلحقهوش....
تمرمغ نفسها ف الوحل وتطرطق
ودانها تبص ع الخطوة
.....
.....
زعيق القطر ع الكوبرى يهز بيوت
صريخ القطر ع الكوبرى
بيقلق واد ف حضن أمه
بيصحي يفتكر جوعه

وربع جنيه
يجيب الدنيا ف سريره

.....

لأنى وحيد
ف قهوة وحيدة سكرانه
زباينها
عيونهم شك
وكان الماشى بالطلبات
يشم سيجارتى والقهوه
وأنا بشرب ولسه فاضى فنجانى
يصب الخوف
ويسالنى انت جاي منين
ويشرب قهوتى وسيجارتى وعنى
مشوفش حد قدامى
سوى صورة ملك مرسوم على الشيشة

عيال ف الشارع النائم
ف برد الدنيا مرميه
وعمدان كهريا واقفه
توزع ضلمه ع الدنيا

بلنضه نص متقاده
تكمل ف الديكور الخوف
مع العتمه ...
حبيبتك ماشيه وحديها
سنانها ف بعض بتخبط
نفسها دخان
وصوت القطر ع الكوبرى
ودقة قلبها تعالى
ويعلى حس خطوتها
تقع ويسقف الجمهور
ستارة آخر المشهد
.....

غريب البحر
طول الليل ميينمشى
يعبى هوم
ويرميها على شطه
ويصحى الصبح مش كسلان
لكن صوته أكيد مبجوح
مقضى ليله بيزعق

سحابات شتوية

وبعد خيانتك العظمى
وقفت بكيت على شطك
كأن مفيش بلاد تانيه
بنفس دفاكى

.....

وبعد شفايفك الداييين
حلفت

مفيش مدينة شمس
ولا فاضل بنات ابكار

.....

وبعد حدودك التايهه
بحايل شمس أحلامى
عشان تغرب
واولى وجهتى ليكى
واصلى

وبعد ترابى م اتلملم

ف أرض حرام

ف لحظة حرام

بقول انتى

بداية خلقى وحقيقتى

.....

واواجه موجك المغرور

وترمينى على شطك

وابكيكى

واصلى

ذكرى

افرش سرير الذكريات

القلب

يلعب بيك حجر طاولة

يدهن ضلوعك اسمها

يزرع ف دمك لون جديد

ويديق دقائق الحنين

وتترسم لك ع الحيطان

البوسة خوف

ونجوم سما

زى العيون متفتحه

ابدع عروقها باللهيب

فتح مسامات جلدها

علمها تسرح فيك / معاك

وتلف مع شمسك
علمها تتولع
مبين الشفتين
ولا تنطفئ
وشد أنفاسها اللى سكنت
ف الرئه

ابدأ ف ليل مبينتهيش
واحتل آخر شبر
باقى ف جسمها

علمها تفرد لك مخدتها
وتسيل عليك
خطى معاها الأوله
والثانيه؟؟
سيبها تخطى فيك
ابدأ بدايات النيران

وابقى استوى !

المعالم

ببتمشى
وبتقلب جثث أحلام
أمالك
لو تلاقى حد فيه الروح

.....

نجوم مفروشه على شطك
متصطادش الشبك دايب
ولؤلؤ أمنياتك
ف السما مزروع

ولحن قديم
بدقة قلبك المفزوع
خيوط خوفك
وفيها عنكبوت الوهم
منتكفاش

دى راجعه لك
وف إديها العنب إياك
تسيبها تمسح الدمعة
ولا تططب
هتصحى بكرة متلاقيهاش

نقط م الشمس مش باينه

ف عتمة مدخل الأيام

ورجلك عاميه

بتحسس

على مطرح

تآمن فيه

وتبنى العش

بتدخل لحظة الخنقه

تحاصر فيك

وتخرج لك لسانها

تروح لحد الباب

ومبتطلعش

ودقوا ف ضهرك المسامير

عشان هيعلقوا براوين

صور ماتت
شيؤخهم
آية م القرآن
وسام المجد
وتفضل أنت ف العتمة
وتبقى ضل للتصاوير
.....
بنفس التوهه
نفس الوحده والسرحان
بتتقسم
ويتفرق على الصبار
نقط من دمك المفقود
مبين قلبك
وبين البحر
بتسقى الميتين
ميه ...

ضلام النهار والليل

أنا مش جديد
ع الضحك وسط الميتين
ع المشى فوق الحبل للأصنام
أنا
مش غراب
لجل اتكره من غير سبب..
.....
آخر صدا ع...
يا الدنيا تشتى
فوق دماغك
كل يوم وتغرقه
يا تحط فيه شامة صلا
يا إما راسك تنفجر

كل الطيور السوده

خافت م البشر
خافت ضجيج نور النهار
اتصلبت
يمكن حيطان الليل
تدارى همها...

هل اموت؟؟
واسيب كل الصحاب
والا انتظر
مصلوب على كرسى الحياة
لحد ما يتسقطوا

الخطاوى

بتتونس
بدقة خطوتك دكاكين
برغم الوحدة سهرانه
تبص عليك
وتتغلى ببابها الصاج
تكمل نوم

عيدان كبريتك النايمة
بتتمنى متلقهاش
ولا تسحب ...
بقسوة حد من بينهم

سنينك تندفن
وتسيبها تتحاسب؟؟
وتستنى سنين جايه

كفنها ضباب
وكاتب عمرك المكسور
على أبواب الشوارع
فوق شواهد صاج

بتسجد رجلك المجروحة
بتعيط
تدوس على عمر ضاع منك
تكرر مشهذك تانى
تشيل على ضهرك الشنطة
وتحلف جيت
كأنك لسه جاى جديد....

تتمم أول الآيات
ف سورة النصر
تقف فجأة
وتقلع جزمك
تمشى
على طراطيف
صوابك
ل السنين تصحى

غسان كنفاني

ويرجع قلبك التائب
يدق حروف
وتحت القصف يتدارى
لحد الغارة متعدى
.....
كفاية انو اعتزل
ف الزحمة يهتف لك
عشان تبقى
.....
كفاية انو ف العز الحر
ف ضل شجرتك الخايفه
أخذ نفسه
مسح عرقه
بكم قميص
مهوش لايق عليه لونه

على جبينوا اتكتب يربط
مراكبك وسط شريان
يودعهم
بدمعة حزن لو غابوا

بقيت نورس
بتنزل ف الموانى الزحمة
تنشدها
وتكتبها على العمدان
ولسه حافظ المواعيد
.....

غريب جدا
ف عصر الحرب متخافش
متنخباش ورا جدران
فتنفجر
بتمسح عرقك النارف
بمنديلها
وتحذف آخر أقلامك
ف وش الناس

بلد

البرد كان راسم
ساعة العشا ف الفجر
بس المؤذن مقالش
(الصلاة خير من النوم)

على ضهرها
أحزان
وسحاب رمادى عنه
مرغرة بالدمع

الكشافات
تولد بلاد تانية
بتزقها بكتفها

أسفلتها حامل

خايفين لـ عربيات
تدوس على أطفال
ضحكة فروع الشجر
من قبل ما يتقتل
ويندفن ع الرصيف

وتحوم عليه غربان
وينوحوا ويلموا
حاجتهم الباقية
وحجاتهم النونو
اتبحترت ع الأرض
وبقية الغربان
يتداروا ع المدنة

ياخد غراب قشه
ف حضنه ويطير فوق
سيغة مراته اللي لسه
دهساها عربية.

حدود

خلى الشفايف

تنطبع على ورقة البفرة

الحسها بلسانك

دخن سيجارتك ف الخلا

اعمل دماغ

.....

وبوس عشيقتك ف الميدان

لا هتترجم

ولا يصلبوك

.....

كل الجوامع ف البلد

من غير مدن

واللى بيدن كان جنب

حلفت مراته

لكل نسوان الجيران

نايم ف دحانك
ف عليه قد الكف
عفريت!!
بتنبش ف القبور
بيبوس إيدك الميتين
علشان تسبهم
وأنت
بتصمم تنام
ويحاسبك الملكين

صوٹو

کائناتک خریف
کائناتی الوحید الی
بین الستائر و بین المناشف
لا بقدر أمین
مبین الملامح و بین الصور
مبین النهار الغریب
ونور القمر
بعلم خلايا السکوت
الکلام
.....
مبین الأوامر
و بین النواهی
بتسال عنیکى
عن الکحل، لون الشفايف
بندخل حالات العواصف

كأنك خريف
لأنى الوحيد اللى واقف
مبين المناشف
وعطر الورود
ولون الخدود اللى تحت الدموع
الحزين
بيجرح شروود الورود
والستائر

سين

بـ ابني بيوت من حلم
على صهد أشواقك
وسط الليالي البرد

.....

ميهدهاش غيري
موجك بيرقصها
ندخل خيطان المد

.....

نايم على شطك
بالعب ف رمة عودك
المكدود

بـ اعزف غناوى مقلتهاش
يشتى السحاب لولى
تحذف سمانا ورد

.....

يا شطك الممتد
من أول التكوين
من أول التكوين
للزلة في
ولحد آخر حد
يا أول الجنة
انت الضحى والعصر
والتين والزيتون

الشاعر

- حازم محمد صبحى المرسى
- ١٩٧٩/٤/٢٦
- أخصائى مكتبات
- نشرت بعض أشعاره فى الصحف والمجلات

لسه الطريق
والحزن
بين ضلعين بيتخانتوا
معرفة مين هيفوز
وأنا
محتار مبین طول الطريق والحزن

المحتوى

٧	إهداء
٩	ما قبل القراءة تايه ف عالم من نقط
١١	تايه ف عالم من نقط
١٥	ن / نون
١٧	المحطات
١٩	احتكار
٢١	الشواهد
٢٥	النزيف
٢٧	بدايات الضحك والدموع
٢٩	الخماسين
٣١	بدايات أمل... نهايات
٣٥	ق / قاف
٣٧	البدايات
٣٩	الشبابيك
٤٣	الشهادة
٤٥	برواز ومرايه وسيف

٤٧	دقات حنين
٤٩	فاصل
٥١	الخوانيم
٥٥	ط / طاه
٥٧	معالم يوم من الخنقه
٦١	محروم
٦٥	معالم ليل
٦٩	سحابات شتوية
٧١	نكرى
٧٣	المعالم
٧٧	ضلام النهار والليل
٧٩	الخطاوى
٨١	غسان كنفانى
٨٣	بلد
٨٥	حدود
٨٧	صولو
٨٩	سين
٩١	الشاعر